


明朝典彙



漢書門			
九	二	〇	五
一	〇	四	〇
六	一	三	四
冊	架	函	號

內閣文庫			
元	九	〇	〇
四	〇	六	〇
二	〇	三	四
函	架	冊	號

內閣文庫	
番號	漢 9205
冊數	64 (26)
函號	294 39

廿六



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19

C Y M

© Kodak, 2007 TM: Kodak



國朝典彙卷四十四

都察院右僉都御史臣徐學聚 編輯

吏部 十一

優老



上召楊維禎將用之維禎八十餘矣作老客婦

諸兄志或勸 上殺之 上曰老蠻子正欲吾成其

名耳不修而遣之

年 上幸濠州父老經濟等來見 上與之宴謂曰吾

與諸父老不相見久矣今還故鄉念父老鄉人遭罹兵

難以來未遂生息吾甚憫焉濟等對曰久苦兵爭莫獲
寧居今賴土上威德各得安息勞主上憂念 上曰濠
吾鄉父母墳墓所在豈得忘之諸父老宴飲極歡 上
又謂之曰諸父老皆吾故人豈不欲朝夕相見然吾不
得久留此父老歸宜教子孫爲善立身孝弟勤儉養生
鄉有善人由家有賢父兄也濟等頓首拜 上又曰鄉
人耕作交易且令無遠出濱淮諸郡尚有寇兵恐爲所
抄掠父老亦宜厚自愛以樂高年濟等皆歡醉而去
十九年五月詔天下有司存問高年禮敦隱士賑恤寡
孤獨

六月詔賜耆老粟帛京師應天鳳陽民年八十以上天下
民年九十以上賜爵社士應天鳳陽民九十以上賜爵
鄉士天下民年八十以上賜爵里士皆與縣官平禮免
雜役冠帶服色另議頒行正官歲一存問

二十年 上嘗謂禮部臣曰尚爵所以教敬事長所以教
順虞夏商周之世莫不以齒爲尚而養老之禮未嘗廢
是以人興於孝弟風俗淳厚治道隆平朕詔天下行養
老之禮凡民年八十以上鄉黨稱善貧無產業者月給
米五斗酒三斗肉五斤九十以上歲加帛一匹綿一斤
若有田能自贍者止給酒肉絮帛

二十三年六月選用耆民有才德知典故者

建文元年正月詔養老賜高年米絮帛有差

永樂七年正月命禮部遣使於所經郡縣存問高年

詳巡幸

十四年九月命御史存問高年循例給賜

十九年詔民年八十以上有司給與絹二疋布二疋酒一

斗肉十斤時加存卹

二十二年吏部尚書蹇義等奏文武官有年七十者請遵

洪武舊制令致仕如其鄙猥闒茸者或有疾而年未七

十者請罷為民 上從之著為令

令民年七十以上及篤廢殘疾者許一丁侍養不能自存

者有司賑給八十以上者仍給絹二疋綿二斤酒一斗

時加存問

九月 仁宗命左春坊清紀郎張根司經局校書彭敏致

仕時舊宮臣皆有陞轉獨二人年老賜勅及白金鈔幣

命還鄉

十一月以戶部尚書郭資為太子太師致仕 上諭侍臣

曰資歷仕四十餘年 先帝舉義之際從朕守城備極

艱難事苟有利於國毅然身任不避仇怨今方圖任舊

人而資老病朕不欲更煩以政故優之賜資白金百兩

鈔二萬緡綵幣二十表裡命戶部復其家月給支半俸

終其身復賜之勅

洪熙元年三月開平備禦都指揮使齊安從 成祖靖難

至是年踰八十勅還京優待

七月巡按四川御史何文淵言 太祖令天下州縣設立

老人必選年高有德衆所信服者使勸民爲善鄉閭爭

訟亦使理斷下有益於民事上有助於官司此誠良法

比年所用多非其人或出自僕隸或規避差科縣官不

問年德如何輒令充役使得憑藉官府肆虐閭閻或因

民訟大肆貪饕或假公文橫加騷擾妄張威福顛倒是

非或遇上司按臨巧進讒言易置賢否變亂黑白挾制

官府比有犯者謹以按問如律切慮天下州縣類有此

等請加禁約 宣宗諭戶部曰必申明洪武舊制選年

高有德者克之違者併有司皆寘法云

宣德三年九月山東新城知縣董諒奏老人岳景賢等四

十一人陷前知縣今愈肆志欺凌官府把持公事不納

稅糧貽累鄉民乞懲治之 上謂戶部曰 祖宗之世

立老人正如古鄉師黨正以教小民決小訟必須年高

有德者爲之近聞此輩多不出於推擇悉是以賄求克

妄訐上官侵害下民以私滅公無所不至誠如知縣所

奏其令布政司治之以法庶儆其餘

十月少師蹇義少保夏原吉從上巡邊還上念二人老不欲煩以事賜之勅曰卿事祖宗積効勤誠朕嗣統尤資贊輔夙夜在念圖善始終以卿春秋高尚典劇司非所以優老待賢况師保寅亮爲職不煩庶政乃副倚毘可輟部務朝夕在朕左右相與討論至理共寧邦家其專精神審思慮益致嘉猷用稱眷倚老成之意四年八月翰林學士沈度乞致事上諭吏部尚書郭璉曰度誠謹皇祖眷之彌厚今雖老精神未衰亦不可煩以事但令京居食祿免朝參有召則入

五年閏十二月上諭兵部尚書張本前者詔書凡民年七十之上及篤廢殘疾者許一丁侍養思念各處取軍其中豈無獨子而父母老疾者若令遠役則父母不免失所令有司勘實應克軍之人而父母年七十之上及篤廢殘疾者許其附近衛所克軍

天順元年二月詔推恩天下凡庶民八十以上者賜冠服京師民有茹文中者年百有四歲有司以其名上御便殿召見悅其狀貌與致辭賜冠服帶履命順天府設燕又命吏部尚書姚夔以下造其第致賀至七年文中始卒年百十歲文中無錫人永樂初隨其父徙燕性坦易慷慨解書史而遠勢利其壽固有所自云

二年詔軍民有年八十以上者不分男婦有司給絹一疋
綿一斤米一石肉十斤年九十以上者倍之男子百歲
加與冠帶榮身 又詔四品以上官年七十以禮致仕
不能自存者有司歲給米五石
八年詔凡民七十以上者免一丁差役有司每歲給酒十
瓶肉十斤八十以上者加與綿二斤布二疋九十以上
老給與冠帶每歲設宴待一次百歲以上者給與棺具
成化元年九月巡撫宣府都御史葉盛請行養老之令
上嘉納之

二十一年八月韓王偕滿奏羣牧所千戶朱致曾祖信年

一百八歲而終祖全一百二歲俱千戶致仕誠世之上

瑞國之休徵乞賜褒嘉以敦養老之禮以表氣化之盛

上曰老壽之人禮所宜厚矧在一門尤不易得有司宜

勞以羊酒進全階爲宣武將軍賜米十石絹二疋

正德元年正月河南巡撫韓邦問奏致仕工部侍郎潘禮

草廬蔬食不事干請年過八十宜有所賜給以膳終身

命有司月給俸米三石

嘉靖元年詔內外大小文武官員人等死於忠諫老親寡

妻無人侍養者有司量加優恤

二年五月改致仕太僕寺少卿潘府爲太常寺少卿仍舊

致仕時有薦府學行可任祭酒者吏部謂府年老不願仕進宜量改清秩以遂其高尚故有是命

隆慶年陞原任都給事中尹相魏良弼爲太常少卿給事中張選爲通政叅議南京御史馮恩爲大理寺丞寺正母德隆南京兵部主事劉世隆爲尚寶少卿各致仕吏部言相等先朝遺直宜以次敘用而年皆七十已上例得引年宜陞秩致仕以示優厚故有是命

陞原任修撰余永勛給事中傅珮俱爲太常少卿致仕二臣在世宗朝以建言落職至是七十歲矣撫按官薦之吏部覆如引年例令進階致仕故有是命

按舊例文臣京職七十方面以下六十五致仕其過期而留任者永樂中少宗伯儀智滿八十致仕正統中楊士奇八十以首揆終天順初胡濙八十二始以大宗伯得請王驥八十二復爲大司馬成化初王翱八十四猶爲太宰正德初馬文升八十一始以太宰得請嘉靖初謝遷以八十復相明年致仕嘉靖末嚴嵩八十三始以首揆斥免他若秦竑總三邊年七十九黃福叅贊機務黃宗載太宰俱以七十八在任李善長以太師得罪王恕以太宰致仕俱七十七萬安以少師罷楊溥以少保卒時俱七十五屠僑以太保卒楊一清以少師罷時年

七十六楊善封伯蹇義吳中為少師陳循在首揆王越為大帥俱七十三他不可悉數也隆萬中起僉都御史海瑞年七十三按察司丁湛七十九南京工部尚書孫植七十八宗伯姜寶十太宰楊巍八十一司馬傅希摯十太僕卿崔文奎初為寺丞滿九載年七十三例當退自陳守城功特陞少卿至八十三復自陳陞本寺卿八十六始致仕而嗣祥年八十餘猶為工部侍郎黎澄八十為尚書至欽天監例不引年又所不論也

按大臣省壽至九十者魏驥九十八劉健九十四王恕九十三尚書胡拱辰陳雍大理卿葛浩俱九十二嘉靖

以來致仕尚書湛若水年九十五末年尚書徐茂堅萬曆初尚書王學夔俱九十餘王以九十四尚書應大猷以九十五卒凡四遇優詔存問南兵部郭宗臯九十刑部尚書錢邦彥九十一存問加夫米其尚書以上至八十餘者胡濙韓邦問蔣瑤方鈍俱八十九鄉幹殷從儉李裕張子麟馮岳俱八十八王璟潘恩俱八十七馬文升林瀚韓文章懋高友璣劉麟嚴嵩俱八十六單安仁楊翥王驥孫原貞王宗彝陶琰趙鑑李浩朱恩焦芳俱八十五王直王翱崔文奎賈詠朱希周孫應奎何棟呂本俱八十四黃淮胡儼劉障薛遠尹直陳金謝遷毛純

羅欽順顧應祥張潤胡松俱八十三陸瑜尹旻李秉閔
 珪李鏗劉纓李善王曠王崇慶俱八十二徐瓊侯璜洪
 鍾林泮李泮周倫鄭紳徐階俱八十一俞士悅苗衷何
 鑑雍泰王鑑之鄧璋孫交楊潭聞淵孫承恩吳鵬黃中
 張澣陸樹聲俱八十二董份八十一王廷八十五若三
 品京堂則禮部侍郎錢習禮八十九戶部王儼萬虞愷
 副都御史朱鑑大理卿夏時正八十八禮部侍郎王士
 嘉副都御史孫曰良八十七都御史吳訥刑部侍郎曾
 翬南京工部侍郎范嵩八十六禮部侍郎陳璉太常卿
 兼學士吳節工部侍郎龔輝八十五兵部侍郎吳寧工

部侍郎蒯祥副都御史王嵩八十四工部侍郎潘禮太
 常寺卿夏昺順天府尹王賢八十三兵部侍郎陳臯謨
 禮部侍郎韓福八十一工部侍郎郝璜兵部侍郎范欽
 府尹王弼八十戶部侍郎林應亮八十九正統丙辰進
 士古鏞天順丁丑以大理少卿謫戍赦還至正德己巳
 猶在能躍馬豪飲時人謂之古進士考登科鏞以二十
 四登第至己巳又七十三年蓋得文王之歲矣
 高皇帝詔諸耆老謁見而崑山周壽誼居首年一百十六
 歲賜宴及鈔幣天順中召京師人百四歲茹文中入見
 成化中濟寧人王士能以百十六歲徵又七年終又韓



王奏千戶朱政三代皆壽弘治中吳中毛弼年百歲而
澄狀元及第有司為蓋人瑞狀元坊福建林知府春澤
百歲時有司為蓋百歲坊而子侍郎應亮年七十三孫
學憲如楚乞歸侍又四年而春澤始卒

國朝典彙卷四十五

都察院右僉都御史 臣徐學聚 編輯

吏部 十二

存問

成化七年八月御史梁昉奏致仕南京吏部尚書魏驥年
九十有八德望素著 詔特遣行人賜勅存問勅曰卿
以醇篤之資正大之學歷事累朝官登八座歸安田里
壽屆百齡進退從容體履康豫緬惟風采嘉歎不忘特
遣行人存問并賜羊酒令有司月給米三石優贍終身



卿宜倍加調攝益隆壽祉佇聞讜論用慰渴思

弘治十八年十一月遣行人存問致仕吏部尚書王恕賜
羊酒月加食米二石歲加役夫二名時年九十也

正德元年三月遣行人存問致仕南京工部尚書胡拱辰
賜羊酒夫米如例時年六十九

十一年五月南京給事中徐文溥奏致仕侍郎章懋造詣
精深涵養醇熟不立異以駭俗不矯飾以求名誠心正
學庶幾乎道海內學者翕然宗之臣願舉先朝崇儒之
典倣三代養老之政或遣使存問或安車徵起不惟儒
道增重聖德有光且使人心知所向慕轉移風化莫大

於此會浙江巡按鮮冕亦以爲請吏部覆議 上曰懋
學行純正齒高望重有司可時加存問以稱朝廷優禮
耆宿之意

正德十六年五月 世宗召前戶部尚書韓文文時年八
十有一以老疾力辭 上復遣行人齎璽書存問特加
宮保柱國月給廩米役夫贈先世悉如其官廕其孫爲
光祿丞且望以嘉謨嘉猷入告云

嘉靖元年詔存問致仕南京禮部尚書章懋賜之勅曰卿
以醇篤之資正大之學歷事累朝恬於進取起敎國學
未久卽歸身在山林望隆朝著 先帝嘉重進秩亞卿

朕嗣統之初緬惟風采載進今官仍聽里居不煩以政
茲聞壽近九袞體履康豫特遣行人王懋齋勅存問并
賜羊酒卿宜倍加調攝益隆壽祉稱朕優禮耆碩至意
詔遣官存問致仕大學士謝遷賜羊酒官廩輿隸遷因勸
上學古訓監成憲以廣聰明 上深嘉之曰卿輔佐先
朝直節忠言天下傳誦朕知名久矣方將起用特先存
問覽奏具悉忠愛至意宜善自頤養以副眷遇廕其子
正爲中書舍人

十二月 上降特勅遣行人柯維熊存問前大學士王鏊
鏊疏謝因上講學親政二篇大要欲復 高皇禮賢館

仁宗弘文館及古內朝之法 上覽疏答云卿輔佐先
朝志存匡救朕在藩邸已知卿名新政之初方將起用
覽奏具悉忠愛至意廕一子中書舍人

遣行人齋勅存問前大學士劉忠從巡撫李克嗣奏也

二年七月前大學士劉忠疏謝存問因陳正身致治之道
其要在於畏天命尊祖訓正聖心勤聖學進君子退小
人無以逸遊而啓荒縱之源無以宴安而忘憂勤之念
無溺聲色以蔽精神無嗜禽酒以昏心志無以狂直觸
忌而爲言路之罪愆無以請謁陰行而致號令之中止
無聽甘言以絕邪佞之誘無納讒口以防深厚之欺惜

賞賚以節民財罷土木以蘇民力仍望 皇上時御艾
華召輔臣各授筆札令其疏兩京九卿長貳及撫按藩臬之來
省撫按藩臬之卓異且於九卿長貳及撫按藩臬之來
朝者不時宣問其餘屬賢否軍民利病如輔臣例亦聖
王清問下民意也奏入褒其忠愛恩廕如例

十年勅存問前大學士劉健曰當 孝廟特簡之後裨益
良多及 武宗改元之初忠勤尤著中遭讒口旋復昭
雪今年近九旬體履康泰卽司馬光文彥博不多讓焉
賜羊酒月給官廩八石輿阜十名用昭異數後九十河
南布政使閔楷以聞詔撫按備羊酒綵幣親詣宣諭

勅諭前大學士謝遷文魁天下聲振宮端簡注 孝皇臣

弼 武廟告老南歸高風大節播在天下賜羊酒月給
廩八石輿阜十名行將起卿以匡不逮

二十一年五月遣官存問大學士毛紀紀家居二十年時
年八十六上以紀輔弼舊臣德壽並茂賜以羊酒仍月
給廩米輿夫以示優眷

二十二年六月致仕大學士賈詠初以迎 駕失誤落散
官家居至是年八十守臣以聞 上曰詠耆舊重臣年
躋八十齒德並茂其賜之羊酒令河南撫按官及門存
問仍賜月米輿夫以示優眷尋又以守臣言詔復原官

三十二年致仕南京兵部尚書湛若水年九十廣東撫按官以聞禮部請如例存問報寢

隆慶年詔存問致仕南京戶部尚書孫應奎時年八十

時以冊立東宮恩例存問致仕戶部尚書方鈍具疏陳

謝上謂覃恩詔下已久所在有司延緩至是始舉行

奪岳州知府李時漸俸三月

詔有司存問南京吏部尚書王學夔刑部尚書陶尚德以

江西巡撫劉光濟奏二臣年踰八十齒德俱尊也

遣官存問致仕南京吏部尚書羅欽順并建坊以示優異

四年詔有司存問原任戶部尚書馬坤時年八十餘矣終

國朝典彙卷四十六

都察院右僉都御史臣徐學聚編輯

吏部 十三

給驛

洪武十年正月 上謂中書省臣曰官員聽選之在京者

宜早與銓注卽令赴任聞久住客邸者日有所費甚至

假貸於人昔元之弊政此亦一端其常選官淹滯在京

者輒經歲月資用既乏遂流爲醫卜使賢者喪其所守

實朝廷待之非其道也自今銓選之後以品爲差皆與

道里費仍令有司給舟車送之著爲令

時除郡縣官皆給道里費知府五十兩知州三十五兩知縣三十兩同知視知府五之三通判推官五之二州同知視府通判經歷州判視府同知半之縣丞主簿視知縣半之典史十兩著爲令又予文綺羅絹布及其父母妻子皆有差蓋謂初授官不免假貸於人或侵漁百姓故欲其奉公不得不先養其廉如此

永樂二年十一月廣東右布政徐奇奏府州縣官有到任之後不服水土瘴癘而歿遺下家屬貧難不能還鄉乞准行有司應付脚力給與行糧遞送還鄉從之

成化十五年十月戶部尚書楊鼎乞休致詔允所請令有司月給米二石人夫四名應用先是大臣致仕未有給米撥夫之例有之自鼎始

十六年 七月先是衍聖公各歲赴京朝賀沿途水陸驛傳起中馬站船廩給回日無馬快船裝送而張真人往回水陸起上馬船廩給且有馬快船從之蓋其時方崇道教而內官梁芳左道李孜省輩方用事故致隆於其所尊如此及郎中陸容言於兵部尚書余子俊欲優厚之子俊慨然曰是義舉也卽日題允自是衍聖公往回陸路得騎上等馬回日應付馬快船裝送

嘉靖元年文華殿辦事序班袁讚奏回籍養病有旨許給

驛吏部尚書喬宇及御史沈灼俱奏劾讚交結內侍賚
緣僭冒乞正其罪得旨罷其馳驛

國朝典彙卷四十七

都察院右僉都御史臣徐學聚 編輯

吏部 十四

歸省告病

乙巳三月起居注宋濂乞歸省 太祖賜金帛遣之濂還

金華進表謝復致書世子勸以進修 上覽書喜復遣

使至金華賜書獎濂賜以綺帛仍命世子親致書以報

章溢以疾久在告 上時遣使存問暨疾小愈即入謁

上見其來喜曰疾其瘳乎何遽出也一日 上忽念溢

詢中書左司都事張來頌曰章溢日來康健否來頌對曰溢每念母不置而以 上遇之厚不敢言鬱鬱成疾耳 上卽命溢歸省賜以白金文綺而畱其季子存厚於京師

洪武三年 上行後苑見巢鵲卵翼之勞喟然嘆曰禽鳥劬勞如是况人母子之恩乎乃令羣臣有親老者許歸養時元鎮撫陳興被俘來京恩待甚厚興言有母在嵩州年八十餘欲求歸養卽賜白金衣帽遣之興辭 上顧謂侍臣曰孝弟之性天下皆同陳興雖武夫聞朕言卽愴然思歸朕始不知其有母若知之肯令其違遠

人壽不過百歲今其母年已八十餘萬一不得相見與有無窮之痛興歸母子相見其樂宜何如侍臣對曰陛下以孝治天下推測人情無所不燭非惟一家之老者得所天下之惇獨鰥寡皆蒙其惠矣 上曰人情莫不愛其親必使之得盡其孝一人孝而衆皆趨於孝此風化之本也故聖人之於天下必本人情而爲治

七年十一月 皇太子臨大本堂召東宮贊讀凡二十五人立庭下親面諭之有云茲聞爾諸臣離父母去墳墓者三年矣今冬氣向深草木搖落寧不動懷土之情乎吾已爲爾請于 上宜各旋歸毋久淹爲也因出內府

錢物以爲道路費

上親勅修撰劉泰曰朕聞孔子之諭孝也遊必有方斯可爲孝矣朕昨與卿遊東苑詢及卿家事卿對以宗族甚蕃遭兵漸減獨老母在別無侍養卿言至此朕心惕然吁哀哀父母生我劬勞今朕雖君天下育萬民二親已逝恨不生今於朕有戚戚焉若欲迎親就養或棄職往侍朕勿拘焉

十八年福建按察司陶垕仲表言臣父昔在方氏部曲洪武初徙鳳陽時臣幼弱貧苦賴兄撫養有成其後兄亦爲鳳陽軍吏今臣備位司憲欲推祿養以報生育之恩使父母兄弟得復聚處實戴生成詔許之

二十三年十二月國子生程通言其祖父以罪謫居陝西年過七十無他子孫侍養乞放還鄉里俾得就養上憐其志從之

二十六年詔定凡官員父母年七十之上許令移親就祿侍養如果父母老疾去官路遠戶內別無次丁者許赴京面奏揭籍定奪俱親終服滿起復赴部聽用
建文元年七月勅令京朝官請告歸省給勘合於內府
永樂四年三月進士陳紀等乞假還鄉陞辭上諭之曰爲學至以進士發身亦出乎等倫然道理無窮古人至

老務學不厭今人苟遂一得卽不復前進故遠不逮古
汝等年富力強當立志遠大務進修非獨成己之德將
來國家亦得實才之用紀等皆叩首謝復諭之曰鄉里
父老所在不可以一得輒生驕慢驕慢凶德孔子於鄉
黨似不能言汝曹勉之各賜鈔五錠爲道里費

洪熙元年正月 上諭禮部尚書呂震曰凡廷臣在任久
者今皆令還鄉展省其得誥勅者足爲家鄉之榮然到
家有養祭賓客之費往還有道里之費計其在官俸祿
給日用外有餘貲者鮮矣自今歸者皆賜鈔公侯伯一
品二品賜鈔五千貫三品四千貫四品三千貫五品一

千貫六品七品一千貫八品以下皆五百貫著爲令

詔百官有違親三年以上者聽給假歸省於是大學士金
幼孜首奏省母王英亦乞歸省命馳驛往還賜資甚厚
三月命吏部凡在外官滿三考者聽給假省親祭祖

七月先是故通政使賀銀之子浚授鴻臚署丞俾讀書太
學至是自陳母老病乞放回養母 宣宗曰學者學爲
忠與孝也母老可使違養乎命禮部從之

宣德元年特詔翰林諸詞臣還鄉焚黃

三月學士楊溥得告歸省母於時不得見者十有八年矣
六月蘇州衛指揮使何濟坐罪輸作畢常調衛自陳有母

年八十餘無他兄弟乞復原衛養母 上問兵部尚書
張本日濟以何事當調本日以市薪不如價 上曰市
薪小過養母至情姑從之

正統初大學士楊士奇還鄉展墓甫數旬而還

二年十二月諭德黎恬在任甫五年謂告歸展先墓賜道
里費給驛舟

四年三月大學士楊士奇乞歸省墓遣中官阮澹護送且
促還京師

五年二月大學士楊榮乞歸省墓

六年二月大學士楊溥乞歸省墓尋還朝

七年四月南京禮部侍郎趙新給由在京上言父母在家
年九十一歲給假歸省許之

十二年學士馬愉以父病乞歸省允之賜驛騎并藥餌費
景泰七年七月提督遼東都御史寇深乞歸省其母許之
時深母年九十有四已感風疾曰吾得見吾兒卽瞑目
矣深悲泣懇求歸省至家母一視而逝深哀毀踰禮

成化二年正月大學士彭時歸省給驛往還命太監許安
致道里費長隨張敬護送抵家未踰月促還朝明年二
月至 上慰勞之

二十年八月考功主事儲瓘以父老懇求南京便養從之

正德八年八月吏部以終養御史陳茂烈養母清苦奏改
爲晉江教諭資其祿疏辭不拜既又援侍郎潘禮事例
奏給月米 上曰陳茂烈清苦可嘉着有司月給米三
石以資孝養又具疏辭 上曰朝廷以孝治天下茂烈
旣家貧親老特給月米以資養贍不准辭

九年二月行人傅楫有事德府聞母病京師以事且緩乞
回京省母疏下吏部以差遣隸禮部尚書劉春曰苟可
勸孝而無病於公何成案之拘耶與題從之

十六年五月先是南贛巡撫都御史王守仁以父老祖喪
上疏乞暫歸省塋未報至是得旨王守仁擒斬亂賊平

定地方朕蒞政之初方將論功行賞所請不允其勅守
仁亟來京守仁復疏乞便道歸省 上嘉其孝誠特命

省親事畢日卽供原職且命有司以羊酒存問其父

九月改陝西叅議于湛於江西湛爲兵部侍郎時上疏移
疾及聞陝西命以母老連疏乞改近地便養部臣劾其
違命擇官欲寘之理 上憫其情特允之

十一月刑部尚書張子麟在告上疏乞終養 上濫旨慰
答復賜告一月俟親愈卽令有司促就道時言官論張
銳張雄張忠廖鵬等罪惡請亟誅之因劾子麟兩獄未
竟避難而歸非人臣之義請罷其職 上曰銳等俱有

處分子麟勿罪

嘉靖二年二月進士曾梧辦事都察院以母病乞歸未允聞母疾革遂私回未抵家母故都御史王論梧於法有礙情實可原詔宥之

四月命有司給終養巡撫都御史方良永月米三石仍著令凡致仕終養節行可稱者優禮皆如之以都御史姚鏌之言也

四年吏部尚書廖紀言祖宗朝人材未必如今日之盛而當其時士習淳朴絕無偽巧勉修職業不務虛名故事治民安國家賴之正德以來士多負虛譽而希美官

假恬退而為捷徑或因官非要地或因職業不舉或因事權掣肘或因地方多故輒假託養病致仕甚有出位妄言棄官而去者其意皆藉此以避禍掩過為異日拔擢地而往往卒遂其所欲以故人怠於修職巧於取名相效成風士習大壞上是其言令自今有假託養病致仕者俱不准京官衰朽方准致仕真病者方准養病有不奏棄官及奏不候命而去者許該部科道及撫按官糾舉罷職不敘給事中楊言言人臣給假養病良非得已頃或借以徇私遂令此例槩寢不行有致損親亾身者非所以體羣臣

通下悃也請自今得覈實放歸而察其居鄉不謹者與在位一體罷斥則私情公法並行詔可

六月提督雁門都御史畢昭請乞歸養許之昭因言臣以母病陳乞歸已蒙俞允第新任都御史江潮遠在萬里若候交代恐母旦夕不保終孤聖恩乞特許放歸以伸烏烏之私吏部謂其情詞懇切議令巡撫大同都御史蔡天佑暫理其事以待潮至

上憐其意詔如部議詔京官出差及養病省親丁憂者許差人具奏給領勘合從御史葉忠言也

五年江西僉事汪應軫以疾解職不候命而歸撫按官論其擅離職守詔下所司逮問已應軫自陳親老無人侍養願乞休吏部言其情可憫詔免逮問特准致仕

六年通政司叅議葛檜本孫姓少育於外叔祖葛華因從其姓至是奏乞復姓而華妻張氏具言所以養育狀乞勿許上亦憫之下吏部議吏部言檜既孫氏子不得背天經以犯人子之戒復姓爲宜但張氏有恩則聽同居以母事之沒後乃歸宗於情義皆得詔可

八年總督南京糧儲都御史羅欽忠以病乞休者再上責其違命欺慢令冠帶閑住永不敘用

巡視浙江都御史王堯封以病請告上責其公事未一

經理輒以私情奏瀆有負簡任令革職閑住
 十二月南京給事中鄭慶雲以養病遭父喪起復違限詔
 下法司問因并查各官養病三年以上俱合革職閑住
 卽著爲令至是吏部查勘鄭慶雲養病遭喪年月尚未
 違例其兩京若光祿少卿胡潔寺丞劉竑尚寶司丞王
 坊太僕寺丞何宇給事中許相卿李學陳江御史鍾善
 經倫以諒李繼宗林若周郎中許廷弼劉寅林達林炫
 周尚寶員外曹勅林遷彭巒主事應典陳器張治道王
 漸劉希柯維騏等四十九員及進士駱士弘石文憲楊
 迥三員俱養病三年之外至部因言諸臣養病雖同而

情有三等其詐疾歸家倚勢規利挾制有司不顧名檢
 者此情罪俱重法宜罷斥或因親老無子或實病不能
 仕者其情可原宜令休致亦有杜門埽軌敦尚名節者
 此其身雖去朝廷行實有裨風俗仍聽舉用進士未授
 官者難以槩論當移文趣之得旨各養病官員往往託
 故營私旣覆實俱照前旨行其間有真病竟成廢疾者
 令有司查奏准與致仕有行誼重於鄉閭許撫按察舉
 吏部訪奏量加錄用徇私濫舉者坐之鄭慶雲再查其
 丁憂以前在家養病年月奏聞餘俱如擬

九年參議顧璘養親致仕矣後起家爲浙江叅政山西按



察使俱未之官仍乞養親數歲復起浙江左布政未之任復推副都御史巡撫山西復乞養親 上曰顧璘原係致仕養親官吏部如何連陞參政按察使既不之官却又推陞布政未幾又推巡撫乃復以親老為請非人臣事君之道璘仍以原任布政職銜致仕內外大小官員凡有託故養親養病在家安坐超陞不復供職者皆冒濫君恩全無臣子之義並革去新銜閑住不許起用戶部主事梁喬陞以母老疏請終養吏部覆其情詞懇切宜聽其請候親終服闋起用 上許之且讓吏部令候親終起復非教人子愛親之道

十年應天府推官陳廷璉以痼疾乞休吏部擬加太僕寺丞以獎恬退 上曰陞職之典所以勸功廷璉既痼疾不能任事自應乞休何為輒擬陞職此例起何年本非公道其其實以聞吏部引弘治中例累年奉行未及改正請自今乞休者廉其實內考稱職外經旌異本非怠棄規避者乃得陞職或僅保無過意有所托者雖滿三年六年止以原官致仕

兩淮運使祝弘舒遼東苑馬卿王崇慶俱遷官未任疏乞休致詔弘舒以原任楚雄知府崇慶以原任河南副使各致仕復諭吏部今後大小官員凡陞遷未復任告休



致者俱以原職致仕著爲令

十一年二月禡原任給事中鄭慶雲職閑住坐請告不候命輒歸及守制復不赴京關顧勤合故也

十三年南京禮部郎中鄒守益引疾乞歸行南京禮部覈實時尚書嚴嵩尚未抵任侍郎黃綰攝部篆久之未報而守益已回籍年餘矣吏部尚書汪鉉發其事詔革守益職命吏部查叅以聞鉉因劾綰不能糾正所屬敢爲欺蔽儀制司郎中季本職在承行虛文掩護並宜加罪尚書嵩抵任承謝情猶可原疏入得旨調綰外任嵩奪俸二月本降二級調外時綰已轉北會太常寺先期請

祈穀導引官

上念綰嘗贊大禮有勞命復原職允之

綰意不愜乃再疏攻綰且掇及他事詔如前旨仍調外而導引官以戶部侍郎張雲代之

是年奏准親老而兄弟俱仕在外無人侍養者及有兄弟篤疾不能服事者與母老而兄弟同父異母者俱准令行終養

十四年編修唐順之疏請養病上曰順之方改史職又

屬校對訓錄何輒以疾請令以原職致仕永不起用

十六年刑部主事王漸逵在告十餘年起官未久復以母老乞歸上以其欺詐推避勒冠帶閑住不許起用

十七年雲南撫按奏原任御史陳表有行誼病痊請賜錄用詔吏部凡養病官曾經舉薦才行年力可用者備查履歷不拘年限開具奏聞通令起送聽用不許私濫十八年刑部主事王惟賢以疾乞歸不許有旨京官例患病三月之上住支俸糧限外日久勘實方令回籍調治近皆朦朧題覆絡繹放回苟便私情廢缺官守以後議覆務如例開具明白其詐託者仍叅奏罪之

二十年十二月進士齊準等九十三名乞回籍依親許之飭令廉節自重毋騷擾驛遞及干謁有司

二十四年五月原任南京侍讀學士華察以考察被論奉旨降用因疏親老乞以原職致仕許之

二十七年給事中馬錫以病乞歸無同僚同鄉官勸降一級調外

二十八年兵部左侍郎詹榮以尚書翁萬達父喪去任當署部事引疾乞假上怒其無致身之忠罷職閑住

三十年三月中軍都督府都事張子中以祖母百歲乞假歸省許之仍命有司給米二石絹二疋

三十一年湖廣叅政沈愷進表歸以病不能赴官撫按以聞因稱其才尚可用乞賜病痊奏赴上以愷曠職日久勒令致仕仍詔今後有托疾避事者所司以實奏

隆慶二年御史燕儒宦劾奏原任巡撫大同都御史劉祐
 托疾避事欺罔不忠得旨祐冠帶闕住人臣之義當委
 身徇國此後邊鎮重臣如有托疾避難者科道官叅奏
 治之其兩京部院大臣告病該部仍覈實以聞不得槩
 為題覆致乖大義

吏部覆吏科周良臣奏自今兩京官陞遷外任以疾乞休
 者俱予致仕毋許病痊起用若有規避希借京銜卽降
 級改用敢抗違不赴者除名閒住至於外官稱病乞休
 必其事情迫切始為代請其奏荐起用病痊官員務考
 平日居官善狀居鄉謹飭及病愈情由方為具奏府州

縣官止宜其實申報撫按裁酌毋得擅自起送如有徇
 私市恩濫舉者本部該科劾治報可

三年山東叅議喬應元石州人也聞城陷憂怖成疾以外
 官無歸省例上疏乞致仕辭甚哀切 上憐之特予給
 假不為例

洪武十七年二月命吏部凡文武憂制已在職
 年廉勤無過者照品給半祿終制在三年者給全祿三年
 二十三年正月進士王希曾言其母任氏之喪以改嫁服
 止期年願終三年之制 上命禮部議之尚書李原名
 奏曰不喪出母古之制也希曾之母既已失節難渝定
 制詔從其議
 二十六年詔定凡內外官吏人等例合丁憂者務要經由
 本部京官具奏關給內府孝字號勘合吏典人等劄付
 應天府給引照回在外官吏人等移文知會所在官司

附丁憂起復

洪武十七年二月命吏部凡文武憂制已在職
 年廉勤無過者照品給半祿終制在三年者給全祿三年
 二十三年正月進士王希曾言其母任氏之喪以改嫁服
 止期年願終三年之制 上命禮部議之尚書李原名
 奏曰不喪出母古之制也希曾之母既已失節難渝定
 制詔從其議
 二十六年詔定凡內外官吏人等例合丁憂者務要經由
 本部京官具奏關給內府孝字號勘合吏典人等劄付
 應天府給引照回在外官吏人等移文知會所在官司

給引回還除祖父母父母承重丁憂外期年喪服不許
守制及移文原籍體勘明白開寫是否承重祖父母及
嫡親父母取具官吏里鄰人等結罪文狀回報如有詐
冒就便解部仍以聞喪月日爲始不計閏二十七月服
滿起復若有過期不行移文催取到部果無事故在家
遷延者咨送法司問罪

二十七年十一月盱眙縣耆民劉本等詣闕言知縣方素
易在職三年民受其惠今以母喪去官乞留復任從之
復遣使齎勅旌勞素易受賜詣闕謝恩復命賜宴於禮
部陞辭請歸葬母而後復任詔從之

永樂六年學士楊榮居父喪給傳歸既葬遂命起復是年
冬復居母喪奏歸守制時匕下詔巡北京不許九年春
奉命治葬奔喪遣中使宋成馳驛送還且勅榮速來
七年七月南京御史方恢父喪不丁憂事覺入監國曰御
史朝廷紀綱之職彼既不孝何以糾正百僚令錦衣衛
執送行在奏請罪之

九年洗馬楊溥丁父憂詔奪情起爲侍讀

十七年正月吏部尚書蹇義丁父憂詔起復詣北京謝遣
中官護還京師

二十二年大學士黃淮丁母憂乞守制不許特命乘傳奔

起復內閣視事

戶部尚書夏原吉乞終母喪 上慰留之曰卿老成人今

國有大喪正望相與共濟艱難安得遽去卿云有喪服

朕無喪乎遂留贊輔

十二月吏部奏興州左屯衛經歷李能詐丁憂事 上曰

孝子事親惟日不足不幸已歿初猶以生事之不忍遽

歿其親今親在乃詐言歿以誑朝廷不孝不忠孰大於

此命付法司治之

洪熙元年六月吏部尚書蹇義奏內外官吏有坐歿遇赦

卽以親喪告丁憂者恐或挾詐難聽其去 上曰父母

之恩莫大焉君子不逆詐宜悉聽其去若果懷奸事發

治之未晚

七月進士蔡子宜永樂六年以親老歸親終服闋七年不

起至是遇赦始起吏部劾其顧私恣公難以任用 上

曰懷土人情之常非有大過且辛苦學問得成進士不

得終棄其授以訓導

宣德元年正月大學士金幼孜憂去尋起復修兩朝實錄

總裁

四年八月大學士楊溥以內艱去遣中官護行賜葬其母

以一品夫人禮尋召起復入弘文閣

正統六年五月杭州知府陳復以母喪去職耆老千餘人
訴乞留之其巡按御史及布按二司亦連章奏請上
問吏部尚書郭璉曰復爲民牧果何如璉曰浙東西未
有過之者上曰如此誠循吏也其命起復以康吾民
十年十一月陝西副使陳凝先奉勅赴陝西提督水利行
至臨清聞喪以敕付縣官奏繳徑回原籍守制至是通
政司奏凝不面自取旨擅自奔喪宜治罪上曰凝誠
有罪然子聞母喪情迫於內觀過知仁其宥之
十二年巡撫河南山東少卿于謙丁父憂起復累疏乞
終制不允遣行人汪琰論祭營葬事尋奉朝陞見遂以

爲兵部右侍郎留京旣而復聞母喪朝廷以邊事方殷
仍命起復

十四年八月修撰彭時居母憂遣拔尉至門宣時入朝與
商輅及陳循每辦事時具啓辭不允奪情辦事

景泰元年大學士彭時乞終繼母喪不許忤旨去

御史周文劾奏學士倪謙母死不丁憂營求奪情吏部侍
郎江淵謬薦謙充經筵講官彼豈不知有乖世道特以
一則受其乞憐之切一則自爲奪情張本耳今淵果連
遭母喪方其詔許奪情時正當懇求終制乃自以爲得
計欣然就道夫人之學所以學爲忠與孝也今二人居

朝夕納誨之職何道以將順君德凡經筵之日必衣錦
綺必賜酒饌皆難樂受得旨江淵倪謙既已處分今
後凡遇喪除特恩外其餘皆合依例守制不許濫保
四年吏科都給事中林聰等言高帝創制立法父母之
喪皆斬衰三年冒喪有禁匿喪有罰所以扶植綱常維
持世教至矣近年虜事寧謐在外方面等官已有定例
不許奪情而在京官員或有奪情者恐遂成故事其流
弊將必至貪戀名爵不顧廉恥以奪情為喜事視父
母如路人子道既虧臣節安在乞行改正上嘉納之
五月大學士王文以憂去九月起復

六年十二月鎮撫大同副都御史年富丁父憂懇乞終制
不允

七年少詹事劉鉉丁母憂欲奪情起之力求終制

天順元年刑科都給事中喬毅右給事中尹旻言比來臣
下多奔競無廉恥目奪情起復者為能官笑終制者為
不職子道既虧臣節安保綱常所關非細宜查景泰時
奪情起復者俱勒歸終制仍著為令典上從之

二年令官吏以舊喪詐作新喪者發順天府昌平遵化薊
州等處為民係順天者發口外為民若父母見在詐稱
灰亾者發口外獨石等處充軍其聞父母喪匿不舉哀



不離職役者原籍三千里之上限一年不及者限半年

過限者發口外隆慶今改延慶永寧等處為民近例止革去職役

四月召守制山西叅政葉盛擢右僉都御史巡撫兩廣盛

乞終制不允

三年命吏部行取丁憂右副都御史林聰復職疏辭不允

四年陝西按察使項忠有繼母憂軍民詣闕乞留詔奪服

返任

十月起守制僉都御史韓雍巡撫宣大

五年正月起守制大理寺卿李賓復視寺事

六年七月起守制副都御史王宇為大理寺卿

七年行取丁憂吏部右侍郎尹旻復職

成化元年二月修撰陳鑑居憂召修實錄固請終制許之

三月大學士李賢丁父憂詔奪情起復賢乞終制不允命

太監林興護送還鄉視葬

五月修撰羅倫疏言李賢大臣起復大事綱常所關風化

所繫昔宋仁宗嘗以故事起復富弼弼辭曰何必遵故

事以遂前代之非但當據禮經以行今日之是孝宗嘗

以故事起復劉珙珙辭曰身在草土之中國無門庭之

寇難冒金革之名以私利祿之實二宗卒允其辭史筆

書之以為盛事自是而後史嵩之欲援例起復為丞相

王黻起復爲執政陳宜中起復爲宰相賈似道起復爲平章貽禍於當時遺臭於後世臣願陛下以宋爲鑒使賢盡孝於親爲萬世之大臣陛下以禮處賢爲萬世之大君此臣之願也亦賢之分也如以賢身任天下四方多虞而起復之則仁宗孝宗之時未爲無事也陛下必欲賢任天下之事不專門內之私則賢身不可起口則可言宜降溫詔俾如劉珙不以一身之戚而忘天下之憂雖不起復猶起復也此年以來朝廷以奪情爲常典縉紳以起復爲美名食稻衣錦之徒接踵廟堂據禮守經之士寂寥無聞名曰奪情實則貪位名曰起復實則戀祿夫忘親者未有能忠於君陛下何取於斯人而起復之哉願陛下收回內臣許令李賢依富弼故事守制依劉珙故事言事其餘已起復者悉令追喪不起復者悉令終制脫有金革之事亦從墨纒之制在國事於外盡心喪於內綱常由是而正人倫由是而明國勢由是而一矣疏入倫又詣賢私宅告以不可賢始以其言爲然已有旨責倫狂妄謫福建提舉御史陳選等交章謂倫所言天理人情所不容已誠爲天下大計遠慮乞宥之以勵言者不報編修尹直引文彥博待唐介故事請賢留倫賢曰潞公市恩歸怨朝廷吾則不敢旣而御史

楊琅奏天下之士氣與國家之元氣相爲流通士氣之壯弱國家元氣之消長繫焉 皇上卽位以來頒布明詔開廣言路以振作鼓舞天下之士氣未幾而王徽等以進言遠斥士氣爲之一沮至是羅倫又以論事補外士氣爲之再沮夫士氣之在國家鼓舞振作尚恐其不振况從而沮抑之將諛佞成風聰明日壅甚非朝廷之福也乞追回王徽羅倫等復其舊職以作士氣奏入得旨謂楊琅朋比姑宥其罪

三年九月起復丁憂修撰王獻乞終制許之
五年十一月總制兩廣都御史韓雍以憂去 上命兵部

議舉代者仍起復雍陞右都御史總督雍具疏乞終制并辭免陞秩 上曰兩廣用人方急難拘常例守制不

允辭

七年四月起復學士柯潛爲祭酒具疏乞終制許之

八年四月命詹事李泰復任泰以伯父司禮太監永昌爲父不爲所生母終喪士論恥之

十六年正以大學士劉吉丁父憂詔起復視事吉上疏辭而托萬喜言於 上請畱之侍講陳音勸使終制且與之書云陳升之起復爲相制曰閔子經而服政先賢稱得事君之宜晉侯墨而卽戎前志謂達變禮之用嗚呼

升之果何人哉吉不答
弘治元年吏部尚書王恕上言三年之喪所以報本古先
聖人緣情制禮萬世行之而不易我高皇帝斟酌古
禮定爲時制凡文職官吏人等聞父母喪者悉令丁憂
定制所以教孝也而守制止於二十七月所以示有終
也今潘浚等雖守藝之人已居官食祿亦係應守制人
員陛下因該監官之請而許其奪情起復有違前項事
例使忠臣孝子聞而議之心誠不安望陛下著爲定例
今後凡文職官吏人等聞父母之喪非身在金華之事
悉令依例守制終喪敢有營求奏保奪情起復者許科
道糾劾本人以匿喪論奏保之人以違制論詔曰可

十一月起守制刑部尚書張瑩於南京兵部

正德十六年七月吏部覆給事中邢寰言丁憂之例載諸
職掌奪情之禁申於累朝所以示教而懲不孝也今
序班海宗道夤緣奪情傳陞寺丞故太醫院使李宗周
從而效尤且獲廕子皆不孝之大者宗道宜逐問宗周
官及廕皆宜削奪

嘉靖九年十二月吏部侍郎董玘聞母訃不爲亟去御史
胡明善劾之下都察院行勘不妄都御史王廷相覆奏
削籍永不叙復

十六年御史蘇木疏言三年之喪通於上下 高皇帝當
干戈倥偬武臣不許守制蓋一時權宜之術未必爲萬
世法也今世士大夫奪情起復卽爲公論所不容何獨
於武臣而限之乞置爲令甲俾持服如文臣例若有緩
急在行間亦當以墨緣從事得 旨奪情起復律有明
文武職無守制例皆係 祖宗成憲本不諳法制輒欲
變更本宜逮治姑降調外任乃謫灤州判官

巡撫遼東僉都御史毛綱以奔喪不候代爲巡按御史向
程所劾有 旨俟服滿日降一級調外任

十八年起復毛伯溫爲兵部尚書征安南御史何維柏上
言朝廷舉措大臣出處天下觀望所係不可不慎頃
皇上以安南之役起毛伯溫於衰經之中而伯溫亦感
激被命不敢再辭者蓋不忍負陛下知遇之隆也今幸
賴聖明感格安南海過征討罷役六省生靈旣各遂安
居之願獨伯溫一人未遂孝思之情願陛下保全伯溫
之節廣錫類之孝責令陳情乞終禮制使天下皆知陛
下善以禮導其臣大臣能以禮律其身無爲後世譏誚
昔富弼有母喪韓琦言起復非盛世事富公卒不可奪
仁宗竟從其請天下後世至今侈爲美談如使伯溫今
日果於自奪而不亟請大臣不以爲非小臣不以爲言

使異日國史書之曰大臣起復自陛下始豈不可深惜哉疏入 上曰毛伯溫朝廷以征討起復已有旨令蒞任治事維柏輒來奏擾且不究至是伯溫引疾請終制上令在京調理痊可卽出供職勿以終制固辭

二十六年吏部奏舊例起復官除例限外違限兩月者問罪辦事官吏在部丁憂回籍十年之上起送到部者行查人情多不便請於起復官照九年考滿官例違限一年者送問二年之上告有事故者行原籍查回定奪其辦事未滿丁憂官照省祭官例服滿不必起送補辦各執引在籍候取選勘合至日本處官司勘明送部免其行查就令補辦滿收選詔如議

二十九年六月召守制兵部尚書翁萬達總督官大

三十四年八月太倉兵備叅政任環有親喪巡按御史周如斗以倭寇未平請留之詔奪情任事

三十五年十月會稽縣典史吳成器以倭功陞布政司經歷聞父喪當去總督胡宗憲稱其敢死善戰撫士卒有恩請量改部職使仍舊練兵詔陞紹興府判奪情視事

按王世貞曰三年通喪惟兵革無避自漢文以日易月而臣下亦因之如鼂錯父歿旬日而尚以御史大夫調兵食翟方進後母歿三十六日而復起治丞相事唐之右僕射房玄齡中書侍郎蘇頲張九齡宋叅知政事寇準皆奪情起復此外亦不多見我高皇極重此制以劉基宋濂章溢當帷幄方面之重於天造草昧之時而聽其終喪了不之強文皇急於事寄中外臣僚始有奪情不丁憂者或有於制中起用者漸以奪情爲能而不奪情爲不稱成化羅倫有扶植綱常一疏於是奪情之風稍息雖不能盡然而醜顏在位者寡矣

內閣奪情者楊榮金幼孜張瑛江淵王文李賢劉珣張
居正 尚書則吏部蹇義戶部夏原吉兵部趙玘戶部
年富陳金工部吳中兵部白圭馬文升翁萬達楊博左
都御史蕭維楨右都御史毛伯溫 侍郎則戶部張睿
薛遠禮部諸懋薩琦萬祺萬翼兵部于謙程信杜寧俞
綱原傑李震工部魏庸沈義制敕房辦事談相王槐古
僉都御史韓雍詹事陳文少詹王英學士倪謙大理
陳勉太常卿趙玉芝陳教光祿少卿高寅左通政王
府尹王福李敏修撰劉吉編修劉健檢討邢讓張顯
給事胡濙御史黃宗載魏源羅亨信孔文英何琛史

員外鄭誠戶部郎中陳翼兵部郎中原傑柴車向寶

督撫鎮守奪情者交趾尚書黃福巡撫南直隸侍郎周

忱俱兩巡撫河南山東少卿于謙鎮守浙江侍郎孫原

貞叅贊延綏少卿曹璉巡撫都御史則平涼羅亨信居

庸蕭啓大同年富遼東王翱寇深宣府葉盛延綏徐瑄

甘肅芮釗南直隸劉孜陝西王概馬文升大同王宇王

越廣西吳禎河間張荆襄王恕遼東滕昭宣府鄭寧

陳廉四川張瓚福建譚綸 布政則雲南陳文廣西孫

曰良陝西郭堅廣東戴弁按察使則陝西王文叅政則

福建顏澤江西郝珩譚綸雲南張鉞山東洪豫偏石葉

盛蘇松任環副使則山東王憲王克貴州李睿僉事則
山西何自學貴州屈伸運使則兩淮耿九疇知府則蘇
州况鍾鳳翔韓福扈暹荆州劉永杭州陳復漳州甘瑛
徽州孫遇臨安徐文振處州石瑁西安郭晟葛文名慶
遠周一清同知則保定錢寧荆州陳禧通判則潯州麗
本厚推官則開封李鉉知州則蒲州張廉茂州陳敏定
州王約知縣則盱眙方素易邵陽孫浩醴泉胡璉清苑
屈義嘉定辰昭宛平馬俊咸陽王瑾上元姜德政平
張瑾石阡府經歷楊彬貴州長官司吏目張順

國朝典彙卷四十八

都察院右僉都御史臣徐學聚 編輯

吏部 十五

給由考滿

洪武五年六月定六部職掌歲終考績以行黜陟

八年三月勅中書令有司今後考課必書農桑學校之績
官民有不奉天時負地利及師生惰於教學者論如律
平遠縣主簿成樂考績州上其考曰能恢辦商稅吏部以
聞 上曰地之所產有數官之所取有制若曰恢辦是

額外剝削主簿之職在佐理縣政撫安百姓豈以恢辦
為能州之考非是爾吏部其移文訊之

九年六月日照縣知縣馬亮考滿入朝州上其考曰無課
農興學之績而長於督運吏部以聞 上曰農桑衣食
之本學校風化之原皆守令先務不知務此而曰長於
督運是棄本而務末豈其職哉苟任督責以為能非豈
弟之政也為令而無豈弟之心民受其患多矣宜黜降
之使有所懲

十一年三月河間知府楊翼安等考績入朝 上命吏部
曰考績之法所以旌別賢否以示勸懲今各官來朝宜
課其殿最第為三等稱職而無過者為上賜坐而宴有
過而稱職者為中宴而不坐有過而不稱職者為下不
預宴序立於門宴者出然後退庶使有司知所激勸

十七年七月吏部奏考滿官二員績最當遷 上曰任官
之法考課為重唐虞成周之時所以野無遺賢庶績咸
熙者用此道也若百司之職賢否混淆無所懲勸則何
以為政故鑑物必資於明鏡考人當定以銓衡爾等考
覈務存至公分別臧否必循名責實其政績有異者即
超擢之庶幾賢者在位而人有所勸矣

八月吏部尚書余煥定考績法



九月以懷慶府通判戴莊湖廣都司副斷事高翼靜寧州判官元善俱爲右僉都御史東昌府教授馮獻爲左贊善皆以秩滿考績課最故超擢之

二十年三月雲南左布政張統秩滿來朝上以統在雲南能撫綏夷人俾復職賜璽書勞之

靖難後吏部奏建文中改在外文職布按二司及府州縣并敎職雜官考滿例悉宜復洪武舊制從之

永樂元年七月吏部奏通政司大理太常光祿太僕鴻臚等寺國子監翰林院正佐官考滿舊例四品以上本部不考所考五品以下合准四品以上之例從之

十一月初上欲聞民所疾苦命吏部尚書蹇義等凡郡縣官考滿至京選其識達治體者令且於六科辦事俾各言所治郡縣事至是尚未有言者上諭給事中朱原貞等曰郡邑之間豈都無一事利害可言今在朕左右尚猶默默况遠在千萬里外肯言乎爾等退以朕意申諭之其所治何利當與何弊當去皆勿隱於今不言有他人言之則不能逃罪矣

五年三月吏部言詹事府六品以上正佐官三年考滿宜如太常等衙門堂上官例不考候九年奏請黜陟從之

十四年十二月貴州布政蔣廷瓚言本司及郡縣俱係新

設大小官員同日之任今三年例該給由而蠻夷之人難服易變若皆依例赴京水陸往復動輒經年况今土貢賦正資清理金銀坑冶亦須提督缺官撫字必致乖離請俟六年滿日通具功績赴京考覈從之

洪熙元年初戶部主事劉良素行不謹滿三載戶部尚書古朴考其績下良叩朴左右求最考朴曰貪侈之人幸未覺露不改行終當敗良遂誣朴他事既就逮繫成祖燭其奸竟釋朴至是吏部奏授良誥命封贈其父母上曰豈弟君子福祿攸降是嘗誣大臣罪者其得爲君子乎不與

六月鞏昌知府孫亶九年滿當去軍民樂其仁恕共奏乞畱從之

十月思州府通判檀凱九年考滿當陞其民詣闕言凱豈弟乞畱復任上顧侍臣曰爵祿所以勸士朕聞古人制祿之意有三曰優外官優小吏優故老優外官勉其治民無侵於下優小吏俾其廉潔優故老尊其宿德况州縣官之賢者先朝恒加祿矣通判外官可不優之乎命吏部與正五品俸以優之

宣德十年十月英宗諭吏部尚書郭璉曰方面郡守九年考滿例當陞用者卿等與大臣會議才果優者循例

陞用不然只令復職庶常流不得以俸政

成化五年閏二月評事申安言旌異之典朝廷所以激勸

有司今撫按官於廉能者未必旌異旌異未必廉能如

紹興知府吉惠先為上虞知縣以旌異而陞今貪酷百

狀一郡之人奚罪焉乞詔大臣議自今旌異必待三年

考滿之後若所舉不公後以貪貪敗者連坐庶幾吏稱

其職民安其業矣下吏部覆議從之

十三年兵部主事陸容六年考滿御史張蕙掌河南道因

私忿考容有兩京從仕公不勝私之語容不能平亦奏

蕙心術陰險倫理有虧下吏部容竟從考稱

十七年十二月福建僉事章懋考績至部懇求謝事吏部

尚書尹旻特為具奏從之

弘治三年先是成化甲辰令被災所在考滿官員納米預

備賑荒免赴部惟造牌冊差人齎繳至是吏部尚書王

恕等會題考課之法廢格不行甚非政體今後考滿官

俱令給由赴部照例考覈從之

嘉靖六年吏部尚書桂萼請詔天下守令凡秩滿三年或

六年者不必給由赴闕第從所司書考具奏臣等即定

其殿最而黜陟之上以考滿給由乃成法令如舊行

若地方有事聽所司奏畱禁給由官不許科取路費



九年給事中夏言言靖江知縣鄭翹山陰知縣楊行中以考滿赴部未見引奏而輒先考覈兵部尚書李承勳荐在告都御史楊志學未及覆請而輒先推舉先後失倫關係甚大非所以尊朝廷而示中外也疏下吏部尚書方獻夫言翹行中旣聽臣考乃圖類引復職以適已便而不知期候禮科引奏是當罪翹等若推用志學則博采輿議非臣已私且一時因地方用人之急以致偶誤臣罪不可辭上以獻夫自劾宥之奪該司郎中俸一月翹行中下法司問嗣後有在告者候奏請方得推舉十年初建陽知縣薛宗鑑考滿給由會行取授禮科給事

中戶部以宗鑑任內錢糧未完疏請上曰此疏具見留心國計詔責吏部且令宗鑑回任聽巡按覈報自今行取及給由官俱送戶部查對旣完方聽收選復任毋得因循廢法

十二年南京吏部尚書劉龍以部院五品以下官考滿赴京往來勞費且曠職業奏請停免從之旣而吏部言往年題奉憲宗聖旨三年照例考滿六年免其赴京情法兼備遵行已久今併廢其三年赴京之典則各官年貌精力本部何從考見矧係祖宗舊例尤不宜輕變上從部議命仍舊例行而切責龍市恩廢法非大臣之

道姑罰俸四月

十四年御史王延三年考績延原以主事改任欲准通算吏部言節年主事改御史俱准通理因奉欽依柴薪俸給照原職官支故考滿得准通理今王延止改官俸給事體似有不同得旨今後京官係推選改授准與通理十六年吏部言官員入覲回任值三六年考滿者悉令關白本部行該上司考覈具奏准其考滿庶不往返道途曠違職業從之

四十二年吏部覆議給事中邢守廷言考課之法我朝稽古定制三六年之外必九年通論以重久任必四方述職以受成其法善矣但行之既久漸失其初蓋由內外遇缺卽行推補填註考語率多溢辭久任既不能行評騭又無據名雖考課徒具虛文請自後京官考滿自五品以下者不俟九年通理如三六年給由無論官職崇卑所註考語送部院覆考賢者則以備他日擢用不肖者卽降出一二人以警官邪其在外府州縣正官給由免其赴京令撫按從公具賢否以聞九年通考不在此限如撫按優容正官而以餘者塞責或漫無可否曲爲掩護者仍聽部院科道叅從之

四十三年更定邊方督撫官考績之例僉都三年考滿陞

侍郎俱如舊其陞廢在常數之外者如僉都廕子副都
給二品服俸詔命止許行之極邊仍候臨期奏處其山
西保定陝西近邊之地不得槩給或雖係極邊而任內
功少亦不得給以上考滿應與恩典雖曾以別項軍功
蒙恩相等亦准重加若三年之內帶有別俸通理者必
邊俸居三分之一方得照例題請時巡撫山西僉都御
史楊宗氣考滿吏部擬陞副都而不及廕子因請稍更
舊法使邊臣不得援特恩以爲例從之

隆慶二年給事中維遵劾雲南巡撫曹三賜給由不候滿
期先一月發疏詔致仕

吏部言令甲百官考滿俱計歷俸其京官以命下日爲始
者謂其身未出京原無曠日云爾若乃自內而外如部
寺之爲督撫自外而內如督撫之回部院自此而彼如
某處督撫陞調某處督撫雖係京官實未歷俸遂亦藉
口命下朦朧考滿非惟以無爲有事屬欺罔亦且遷延
桑梓曠廢職業此後如前數者宜俱以抵任視事之日
爲始已陞候代者猶在地方得准實歷已離任者勿論
上然之命查議公差陞授官員給由事例

國朝典彙卷四十九

都察院右僉都御史臣徐學聚 編輯

吏部十八

久任

洪武二十三年五月改戶部尚書楊靖於刑部詔今後在

京官三年皆遷調著為令

宣德四年六月 上御奉天門諭吏部刑部都察院曰交

官久任有政蹟者給誥勅以示獎勵勸懲有道則人勉

於善而恥於不善爾等其循舊例但受誥勅之後有犯

國朝典彙卷四十九
賦者追奪未授而犯者勿給

陝西鞏昌知府孫亶昌黎知縣楊僖俱九年考滿耆老乞
留 命各加俸二級復任

正德十年四月戶科給事中黃重言邇來法制屢變天下
司府州縣官員到任未久往往陞擢其間又因別項事
故去住不常夫久於其職賢者可以責成功不肖者難
以掩罪狀今屢更易雖有高世之才年月未久何由積
事程功况舊者去而新者代送舊迎新費出小民緣絕
簿書弊生奸吏其害有不可勝言者不報

十六年吏部左侍郎羅欽順上言久任良法而併及超遷
之說大意謂超遷之說與久任之法相爲流通超於前
自可責其後之久超於後固無負其前之淹時不能用
嘉靖五年吏部奏請行久任法凡府州縣官治績卓異者
各撫按以聞令其加俸管事俟九年滿不次陞遷報可
二十八年正月直隸巡按御史陳其學奏漕運河道二臣
皆國計所係非久任無以底績前年秋冬間胡松推河
道韓士英推漕運去年春初士英始蒞任不踰年陞南
京戶部尚書仍以松代松至淮亦不踰月陞戶部右侍
郎彼此更代視如傳舍宜行久任以專責成待其年資
積深勞勩茂著然後不次擢用庶於國計有裨報可

三十年給事中張承憲奏邇者巡撫轉遷太速以致政務墮弛百姓受弊請自今遇有盡心職守效勞著聞者二三年間第宜加秩增俸俟其資深功懋特爲破格超遷仍須推補之初擇才品相應而資歷稍淺者充之庶得安心効職異日可以久任責成部覆如議

三十一年正月詔更定邊方久任陞除降調例巡撫僉都三年滿陞副都給誥命廕一子副都三年滿陞侍郎恩廕亦如之其以待郎等官總督者三年侍郎陞右都右都陞尚書量加宮保俱畱在地方必六年以上始得內轉方面知府三年者陞二級稍淺者陞一級比之腹裏

俱量減年資而不易其地府州縣官令舉人止選二年歲貢三年援例監生六年者比願就教遠方例赴部選補有治效者一體久任超擢其才力不及官原任邊官降調者量於地內降級劣處如布政則降叅政運使則降運同餘倣此例不必更擬邊方

四十五年五月吏部覆給事中張士純奏請行久任之法郡縣非三年考滿者不得推陞行取督撫考滿仍加秩畱任不得一概序遷從之

按文臣蒞任之久者李善長實掌中書省十年爲太師二十三年蹇義在吏部胡濙在禮部楊榮在內閣俱三十餘年黃福爲尚書四十年而在安南十九年楊士奇在內閣四十三年中間輔東宮十八年爲首揆二十年夏原吉郭資在戶部金幼孜在內閣俱二十五年彭時萬安劉健嚴嵩在內閣俱二十年商輅兩任及劉吉李東陽俱十八年徐階十七年張居正十六年楊溥陳循高穀李賢徐溥楊廷和梁儲李本申時行在內閣俱十餘年王直王翱尹旻在吏部俱十餘年王驥馬文升許讚爲尚書俱二十餘年

此處文字模糊，難以辨認，可能為另一頁或另一卷的內容。

巡撫之久無過於謙周忱于十八年周二十一年鳳翔知府扈暹任二十五年再以九年滿加從二品服色俸級陝西寧州知州劉綱任三十三年三以九年滿亦加至從二品服色俸級兵科給事中傅安以洪武二十八年使西域留滯者十二年永樂五年始歸十四年封別失別里納里失罕爲王見羈北虜留滯者復九年宣德元年始歸給勅命賜老而已前後爲給事中三十二年留虜二十一年白首生還去蘇卿不遠也

附赴任違限

成化五年吏部尚書姚夔言舊例選授外官隨即領憑赴任近多潛住京城揭借財物置辦衣裝娶妻買妾枉道回家自今限五日赴科畫字領憑有延過半月不辭朝出城者送法司治罪有已出城復入潛住者降用違憑一年以上者革職爲民

十五年十一月廣西按察使張黼朝覲後歸家久不赴任五爲巡按御史所劾上曰按察使之設所以司一方風紀常以身率先勤慎其下猶有不事者况以怠慢導之乎張黼以朝覲至京黜幽之典非不親見不以自懲乃

復歸家眷戀私事久不赴事所謂荒廢職務誠如御史
所論其令致仕勿復用
正德二年三月劉瑾矯詔京官養病三年不赴部者革爲
民未久者嚴限赴京聽選
嘉靖三年江西布政陳洪謨言有司玩愒不遵例限宜治
其罪吏部覆議請盡按諸違玩者半年以上送部別用
一年以上罷職爲民其諸考滿公差復任者皆如令
二十五年廣西左布政劉可以給由久不赴部違限
年爲御史陳宋夔所論下原籍驗狀以疾聞詔贖其
令致仕

二十七年吏部尚書聞淵奉詔陳言七事一重差遣謂在
京官員并辦事進士往往私營便差枉道回籍宜嚴加
禁約詔俱允行仍以差遣將各差官員有無違限及不
係應差而營求者分別奏聞旣而吏部查奏各差官員
共七十人其不當差而借差者禮部員外涂鉉鴻臚寺
通事吳一鸞等二十四人自有職業而營求差遣者尚
寶司卿汪宗覲等七人雖當差而違限者戶部司務周
載漏刻博士廖文政等三十一人差已竣事而日久未
回任者兵部主事唐穆等三人疏入
上以文政違限
最久與一鸞黜爲民涂鉉等降調外任宗覲等調別衙

門用周載張敦仁居穆等并曾子弘俱下法司逮問各部違例差遣司官奪俸一月堂官免究
二十九年新陞兵部侍郎聶豹詣闕陳謝上命吏部查各赴任及期方許視事時尚書翁萬達亦以奪情召至因違限日久具疏自明上曰萬達背君欺慢本當逮問念係守制姑奪職聽別用
三十三年十月下陝西叅議呂時中副使謝淮巡按御史提問奪巡按御史吉澄俸一月以時中淮進表還任違限澄以道病爲之回護故也吏部因言疆圉多事自後邊方官違限者不問時日遠近一體擬罪報可

十一月應天府尹扈永通陞任至京吏部劾其赴任違限

請罰治得

旨近年陞官肆意回籍曠職廢業永通姑

降二級調外任用今後兩京大臣凡到任遲延者從實

叅究永通降河南副使

三十四年二月福建備倭都指揮張輝受命年餘始赴任

巡撫王忬劾其畏避詔械輝至京問黜爲民

吏部奏京官給假者例不作缺回籍兩月回任但遷墳營

葬與送親送子者不同若任其遷延曠職殊非政體宜

如京官養病例勘明准放員缺銓補待事畢原籍官司

其實起送赴部如過違三年之外者照例革職從之

閏十一月山東左布政孫應奎請寬屬官赴任違限之罪
吏部駁其言非是 詔奪應奎俸三月
三十九年九月湖廣布政使谷嶠陞撫治鄖陽都御史聞
報乃由應城出境迂五千餘里抵其家又遷延月餘始
行爲給事中何燧所劾部覆嶠違慢不敬失人臣禮宜
罷職 上特命逮下錦衣衛鞠之尋黜爲民
四十一年九月陝西叅議姚九功以迂道謁謝督撫官到
任違限爲御史董觀所劾詔以九功付觀問今後諸司
有以叅謁爲事勞民妨政者各撫按官以名聞
十一 明詔申明內外官給憑到任舊例在南京者發南京

吏部在各省者發各巡按御史轉給其方面官俱送兵
部速發不得聽人告領私相貿易以致耽延

四十五年二月戶部主事王嘉言韓珊承委監兌年餘尚
未至水次尚書高耀劾其怠玩曠職因發言管銀庫時
受商人賄賂擅發金價三千 詔嘉言奪職開住珊降
調外任

隆慶 年詔自今公差官各依限赴京若違限日久當送
問者如例送問其未及送問者停俸在差陞遷者必以
抵任之日積俸三年方准考滿其各府縣官推陞行取
亦以歷俸久近爲差不必論其選之前後從吏部奏也

吏科都給事中光懋劾奏南禮部郎中蔡茂春進表畱家
八月趙州知州張求可以知府降補十有七月不之任
仍指摘茂春素行不檢狀請並加黜罰因言自後兩京
官赴任還任者違限與否所司按季核報各省陞調
量加水程以省告改憑限之擾吏部覆茂春開住求
致仕他皆知懋言報可

按問刑條例在外赴任官員過期違限除水程憑限外

河南山東陝西南北直隸違限兩個月之上浙江江西

湖廣福建違限三個月之上雲貴四川兩廣違限四個

月之上應提問者提問應叅奏者奏 請提問仍將問

過緣由繳吏部查考中間若果有患病三個月之上不

愈者許告所在官司具奏行勘明白方免提問所在官

司朦朧出給患帖結狀事發一體叅提究問有贓者以

枉法科斷若違限一年之上起送赴部革職為民其布

按二司齎進慶賀表箋并給由官員復任違限者一體

叅問

嚴絲山嶽吏滯查未中間謀果亦出計三四員之
且之士與對問香對問與參表表 南對問以祿問
斷與師與對則三陣且之士雲貴四川兩處與則四陣
河南山東刻西南北並縣與則兩陣且之士滯五五西
拜問無新與亦快法升官員與與與與與與與與與與與

國朝典彙卷五十

都察院右僉都御史臣徐學聚 編輯

吏部

冒濫官賞

洪武十三年八月 上諭禮部曰人君操賞罰之柄以御
天下必在至公無善而賞是謂私愛無過而罰是謂私
惡此不足以爲勸懲朕觀漢高帝斬丁公封雍齒唐太
宗黜權萬紀李仁發而賞魏徵之直皆至當可以服人
所謂賞一君子而人皆喜罰一小人而人皆懼朕於賞



國朝典彙卷五十一
罰未嘗敢輕若一時處分或有未當卿等宜明白執論
寧使賞厚於罰但不可濫及使小人僥倖耳

天順四年二月法司奏石亨等報陞官員俱各查究上
召輔臣李賢問曰此事可否恐驚人心賢對曰若查究
則不可但此等冒陞職者不能自安欲自猶豫不決若
朝廷許令自首免罪事方安帖上曰然遂行之入是
冒陞者四千人盡首改正人心皆快或有擬欲追其支
過俸米者賢曰不可下戶部奏請得旨乃免人心皆安
八年給事中李森疏言各爵者天下之公器近及有無軍
功而陞侯伯都督者有無才德而陞大臣重任者有因

琴棋繪巧而陞文職者有因醫卜技能而陞軍職者爵
祿日輕廩祿日費請今後陞侯伯都督者必考其有何
軍功大臣重任者必察其有何才德至於各處方面既
公同推舉有不當者許科道指實糾劾治以重罪如此
則爵祿日重而廩祿不費矣

成化八年七月修隆善寺畢工命陞工匠張定住等三十
人爲文思院副使寫碑官爲尚寶少卿給事中王詔等
言頻年星妖示見江海泛濫或炎夏霜降或平地阜出
或猛虎食人或雨雹傷稼夷狄侵邊師久暴露加以水
旱相仍瘟疫流行日甚一日於此汰冗官去冗食以節

國朝典彙卷五十一
國用以救凶荒猶且緩不及事乃因寺成碑完而濫陞
官爵彼西征北伐捐軀隕命之人將何以酬之伏望斷
自宸衷追寢前命不允

二十一年三月南京兵部尚書王恕應詔上言洪武永樂
間官有定員朝無倖位是以賢能在職食之者寡近年
以來無功而陞無能而進者日多一日他如工藝之人
遁迹之徒邪術之輩各尋蹊徑得美職而服章服者充
滿朝市實是虛糜廩祿虧損名器非所以勵賢能而勸
有功也乞今後文職非由進士監生吏員出身者勿授
武職非有軍功者勿陞其已陞除額外文職悉令記名

回家待有闕之日聽吏部察其可用者取用係醫卜匠
藝出身者悉令各執本藝每月止支米一石其餘俸錢
皂隸俱各革去其軍職非有軍功而陞錦衣衛者俱改
調在京各衛帶俸止食原俸原無俸者每月亦止與米
一石餘俸俱各革去悉令差操俱不許管軍管事兩京
一例若在成化十一年以前陞用及貴戚之家循例而
陞者悉令照舊其在京考滿該陞官員內樂舞生出身
者止於太常寺官天文生出身者止於欽天監醫生出
身者止於太醫院匠人出身者止於工部所屬文思院
營繕所等官叙用俱不可授以六部都察院通政司大

理寺等衙門堂上官庶不虛費錢糧混亂名器

正德元年三月給事中安奎言尚書馬文升遵明詔裁革冗濫七百餘員今太監王瑞題稱書篆缺人誤蒙選用劉將革去李鼎等六名通令送考雖該部堅執再三而陛下終未俞允且中間如雙線匠之類亦得傳官其於竈下養中郎將爛羊頭關內侯何殊使李鼎等奸計得行後卽爲例不知陛下何以處之宜聽文升所執若墮其奸計則臣垂首喪氣直道何由得伸非國家之利事乃寢

嘉靖二十四年七月工部匠作官郭文英積勞陞至工部

右侍郎廕其子爲文思院副使至是以廟工加恩再陞俸級因上疏辭俸乞陞廕其子得旨俸級不准辭伊子准授序班鴻臚寺辦事於是給事中張元冲劾奏文英徒以繩墨斧斤奔走冬官之府旣帶俸竊銜叨恩廕叙乃復冒瀆求改此於國體名器所關不少宜明諭懲戒使知安分圖報上不悅曰各器不可不重工役亦須得人文英一人何至遽壞體例再論者斥

隆慶元年先是匠役徐杲以營建宮殿冒叨冬卿之銜而一時工役爲太僕苑馬少卿者二人爲布政司叅議郎中員外者五人鴻臚光祿官以百數各器輕濫已極

上心惡之至是因太監李芳言下吏部議革

六年司禮太監孟冲奏補六科廊寫字官匠呂大章等八

十六人上許之工部言先年太監滕祥會同各監局

清查虛冒已有定數行之未久途復增加非所以信法

守且開各監局紛紛之端乞寢其奏不允

國朝典彙卷五十一

都察院右僉都御史臣徐學聚 編輯

吏部 十八

請乞轉陞

宣德元年教坊司韶舞劉安等請給勅命 上謂吏部尚

書蹇義曰舊典如何對曰無之曰朕與卿等宜恪遵成

憲舊典無不可與

正統十年八月錦衣衛校尉王子進等十二人奏臣等俱

蒙選於御馬監控馬年深乞照例授職 上曰此輩希

求陞用兵部遣人押往大同備邊待有功陞用之

十二年閏四月順天府帶俸經歷張忠自以修城有勞乞陞官上曰陞賞出自朝廷豈臣下可干耶命收忠治之既而法司論贖杖還職

成化十二年十二月傳旨陞南禮部侍郎倪謙爲尚書侍讀學士錢溥爲南吏部侍郎祭酒周洪謨爲禮部侍郎仍掌監事

十六年二月千戶張瑾以寶石求進鎮撫司上命太監懷恩傳旨用張瑾於鎮撫懷恩曰鎮撫掌天下之獄武臣之美選也奈何以瑾得之不肖傳上曰汝違我懷

恩曰非敢違命恐違法也不得已乃命太監覃昌傳之懷恩曰儻外廷有諫者吾言尚可行也時余子俊爲兵部尚書懷恩諷之曰第執奏吾爲汝從中贊之子俊謝不敢懷恩曰吾固知外庭之無人也子俊竟題張瑾掌鎮撫司

十九年九月太監覃昌傳旨韶州府巡檢劉璋陞錦衣衛鎮撫着仁智殿辦事儒士湯珪陞鴻臚序班着文華殿辦事上林苑監錄事邵義陞蘇州府通判管事江南巡撫王恕上言臣查得蘇州府原設通判三員一員協管府事一員管糧一員管治農皆見在無缺今又陞邵義

是為冗員官冗則事不歸一而民擾矣邵義原任錄事正九品也依例該陞正八品今陞通判乃正六品無乃有壞選法選法壞則士無定志而奔競之風起矣且邵義不出吏部銓選而傳奉聖旨陞授是官則羣情不能無疑二三年前傳奉聖旨或陞一司務或陞一序班或陞一匠官或陞一千百戶鎮撫方是時議者皆以為開此蹊徑後將難止今工部所屬額外匠官將及千員各衙門司務序班千百戶鎮撫等官難以數計不無耗國用損民力而輕名器今又傳奉聖旨陞除在外府縣官臣備員巡撫久處於外頗知民間疾苦若再不言將

恐奔競之徒遞相效尤各尋徑路不數年間盡據天下之要地恃寵妄為正路綦蕪賢者難進則郡縣之政日益非田里之民日益困而天下之事日益壞矣豈特耗國用損民力輕名器而已哉乞勅令該部仍將邵義止照資格陞授內外官員有缺悉從吏部推舉請旨點用俱不必傳奉其千百戶鎮撫非有軍功不許濫陞如此則奔競自息賢能在職羣情安天下治矣

十月太監李榮傳陞僧繼曉為左善世惠昇右善世十二月吏科王瑞等言爵賞者天下之公器自古帝王所以驅策羣臣制馭四海者也我祖宗列聖法古為治



設官分職各有定員惟有功德才能者授之初無倖取之路今恩典內降廝養賤夫市井童稚皆得以夤緣而進名器之濫一至於此伏覩 英廟復辟之初懲景泰間倖用者多率皆罷黜 皇上臨馭之日察天順初冒功者衆一切革除史冊書爲盛事天下傳爲美談伏乞斷自宸衷一槩革罷以絕弊端御史張稷等亦言比年以來末流賤技多至公卿有不識一丁而濫授文官有不挾一矢而冒任武官末流之弊不可勝言伏望命內閣大臣同吏兵二部一一審實明正其罪以警其後上曰瑞等所言事朝廷自有處分遂罷傳奉官

二十二年十一月太監懷恩傳旨進吏部尚書尹旻太子太傅取了邊中書杜昌文華嚴書辦

二十三年御馬太監張敏卒其姪太常寺丞張苗遂傾資上獻乞侍郎 上曰苗本由承差若侍郎六部之佐不可可授南京正三品左右急持官制請竟得南通政使十二月先是都御史鄭時論太監梁芳被謫陝西人皆哭送傳聞至京 上知之頗厭芳所爲至是無雪百禱不應科道復交章論芳乃命中官袁琦傳旨今後內官傳奉除官不論有無勅書俱覆奏明白方行卽日詔吏部降四人黜九人下六人於獄其下獄者皆逃自軍囚者

餘尚未斥而人已稱快厥明大雪

弘治元年正月吏部尚書王恕言 陛下初登寶位逆逐
刺麻番僧法王佛子國師革罷傳奉冗員追回濫賞庄
田蟒衣等項中外誦之令未久而陛一起內官人數頗
多將見前數事不數年復如舊矣可不慎與不報
一二年王恕復言掌太常寺尚書劉岌等題稱本寺缺官供
祀要將徐啓端仍復司樂王福廣等食禮候差祭祀先
因內外奔競無恥之徒夤緣梁芳等傳陞京職日積月
累遂至于數百員費耗錢糧不可勝紀互相交結以
妨正又不可言三年來名器大壞物議不平惟 陛下

嗣位之初首罷傳陞官員朝野爲之改觀人心無不痛
快迄今一年有餘事體方定奔競稍息今劉岌却要將
徐啓端等復職食糧是爲傳陞官員立赤幟也若復用
一人則數千百人皆相率而來豈勝煩擾所言難准且
致祭嶽鎮海瀆歷代帝王俱遣樂舞生行禮若謂祭祀
官少不敷差遣照例差樂舞生行禮亦無不可何必開
已閉之倖門引旣退之小人非惟起此弊端抑亦故違
詔旨俱令拏送法司明正其罪以爲傳陞降革再求進
用者之戒

四年二月吏部侍郎彭韶言比多有無功之人夤緣請謁

授以千百戶等官甚至有乞恩承襲都指揮者不特武職文職亦有之或以修城徼勞而陞匠官或以傳奉罷革而遷良醫又有中書考滿超陞三級者伏望陛下重視名器愛惜廩祿嚴加杜絕痛與釐正庶幾少救其弊上曰爵位名器國家所重誠不宜太濫今爾所言朕已知之矣

五年傳陞通政司經歷高祿為本司叅議

詳戚晚

七年十月吏部尚書耿裕力言舊緣傳奉貶謫者不可復以開倖門下所司知之

八年二月內旨起欽天監致仕監正李華復職大學士徐溥等言華係傳奉官禮部叅奏行事乖謬致仕况年已老今忽傳復職未免驚駭衆聽若以昌國公葬地有勞量與賞賜為宜况本監見有監正吳昊掌印似難設兩正官臣等不敢阿從事遂寢

十五年正月內旨傳陞盧龍衛指揮使胡震分守通州御史劉玉言陛下即位之初革傳奉以清仕途近年以來倖門復啓孫伯堅等以傳奉列文階金琦等以傳奉任武職傳奉不已繼之內批始則王寧以乞備倭登州今則胡震又以之分守通州矣且王寧夤緣之初兵部科道猶各盡言爭之曾幾何時胡震踵其故智而向之

爭者遂不復爭可見聖志稍移將讜言不復聞而百職廢矣不報

吏部尚書馬文升言京官額一千二百餘人傳奉官乃至八百餘人內實支薪俸者九十一人冗官莫甚於今日請因灾汰罷上從之

十七年三月宣大缺總兵李傑求近戚干上欲得傳奉之。上曰傳奉先朝弊政朕始革罷豈可復踵其人。請。上命司禮監與兵部說知李榮對曰有旨傳奉。書劉大夏且執奏中官口傳之詞彼豈聽受耶其人。不已。上一日奉天門蚤朝罷獨召大夏授一帖子。

視乃朱書李傑姓名也退至部語同列曰。上既下。部推舉只以當堪任者以聞如傑才望非帥臣選終不可從明日推某某以請。上徑從內批出用李傑其人。到未久被劾取回他日大夏獨對。上乃曰向用李傑。蓋不得已今敗事朕悔不用卿所舉之人也。

十八年十二月故太監汪直義男汪鏜乞錦衣衛鎮撫帶俸守塋給事中潘希曾言世祿以及子孫鬼神不歆非類內臣本無後而強求世祿之恩義男本異姓而欲冒他官之蔭不報

正德二年六月劉瑾傳旨陞文華殿書辦等官張駿等由

光祿卿陞禮部尚書周惠疇由尚寶丞陞光祿卿楊立
由大理評事陞太僕卿高岱全泰由評事陞鴻臚少卿
華英由鴻臚丞陞光祿少卿朱天麟由中書舍人陞太
常丞高榮由舍人陞尚寶丞王杲等十一人由序班陞
中書舍人黃璽等三人由書辦官陞序班先是通鑑纂
要成瑾欲裁抑纂修官以謄寫不謹得譴命少監陶錦
提督駿等改謄至是謄畢進呈乃皆超進官秩裝潢匠
役竇瑁等七人亦陞文思院副使若張暉之陞光祿少
卿儒士姚龍之授序班又不與謄寫者也

十六年六月裁革僧錄司左善世文明等一百八十二員

道錄司真人高士柏尚寬等左正一周德安等七十七
員教坊司俳鳳鑿等官蘇祥等一百六員皆傳乞陞授
者

嘉靖元年初陝西總兵馬昂以事革任結太監張忠覲復
用其姊已嫁指揮畢春有娠矣因忠獻於武宗於是
分守陽和太監許全率昂弟昺及杲昺至春家奪取進
之昂大被寵幸傳陞右都督近侍皆呼爲馬舅昺兄弟
並召入朝賜蟒衣昂又進其美妾杜氏昺傳陞都指揮
儀真守備復買美女四人進豹房謝恩上卽位命出
諸女還其家捕治昺等至是法司奏昺罪得旨免死發

廣西南丹衛克軍

二年御用太監刁永潘傑等以織造上用大祀袞冕袍服皮弁等成爲各匠陸宣張鴻等五十二人乞恩陞職科臣參駁以爲不可下工部議言匠以藝食於官織造其分耳安得濫覬恩澤且陳乞之弊新詔嚴革誠念其勞量賜金帛足矣詔授皮作局副使者二十五人餘悉賞銀二兩絹二疋

錦衣百戶俞賢太監俞泰義子傳陞管事兵科參論謂事宜裁革兵部覆奏祖宗舊制武職以授軍功管事由推選至於夤緣乞陞則孝廟之禁例而查革冒濫

又陛下登極之明詔也今俞賢曾無公家之勞又非太監子姪遽以錦衣管事之銜而加之僕隸厮養之輩輕褻名器紊亂典章誠如科臣所言者亟行裁革以杜陳乞之端得報有旨

司禮監傳旨鴻臚寺丞郝棠調光祿寺丞吏部執奏傳陞弊政明詔所懲棠敘遷宜給由銓部得旨允行

八年六月御史傅鶚言頃者簡用太僕寺卿旨但云有點者用恐非所以揚休命杜欺罔也仍乞揭姓名職銜以示慎重上曰御史言亦是但推用官員皆由朕親點與揭名無異若文武大臣必待揭名

國朝典彙卷五十二

宗人府

都察院右僉都御史臣徐學聚編輯

少傅兼太子太傅工部尚書臣薛鳳翔訂正

吏部 十九

宗人府

洪武三年置大宗正院秩正一品

二十二年改大宗正院為宗人府設宗人令左右宗正左

右宗人掌皇九族之屬籍以時修其玉牒書宗室子

女嫡庶名封生卒婚嫁謚葬之事凡宗室有所陳請即

為上聞聽命天子命

國朝典彙卷五十一 宗人府 一
以秦王爲宗人令。按宗人府初以親王領之。比建都北
京以永春侯王寧洪熙宣德武定侯郭鉉署事。正統三
年始建府如南京西寧侯宋瑛嘉靖中京山侯崔元署
事寧瑛元皆駙馬都尉炫人仁廟貴妃弟。宗人府
宣德五年四月玉牒成少傅楊士奇楊榮以進。上覽之
曰古人重世譜蓋欲正倫理篤恩義我國家宗族之盛
皆由祖宗積德所致。又曰今於朕雖有親疎然所
自實本於一人朕何敢忽。士奇等對曰周自后稷以來
世積忠厚是以子孫衆多維持王業歷年最遠國家
德隆厚故本支繁衍。陛下如遠宗帝堯明峻德以


九族則將來盛福當過有唐。上然之命賜宴文華殿

天順二年閏二月勅宗人府曰朕惟玉牒所以紀載宗支
乃朝廷重事經年久遠未必增修爾宗人府卽會同禮
部查照各王府自正統六年以後凡有薨逝襲封及男
女新生亾故等項逐一明白開寫中間如有未備仍行
各王府取勘回報以便續修

嘉靖二十四年題奏玉牒總圖做古史世表之法以橫格
分代數列書其名氏而各派所出之子孫則遞書於各
派之下仍餘下方以俟續書其圖以 帝系爲統有雖
係長出而在藩封及國初追封爲王者俱不以加於

帝系之前有長出而殤追 封號者惟冊內載之不以
列於圖

享和癸亥



世孫主父姑善更致正開自開意中開感亦未然也
將查照各生和自五錄六平以封共作恭嚴襲桂文民
八傳我重華孫平人發未必許對爾宗人祖唱會同斷
天賦值李開左月懷宗人祖日知辨至親祖以孫傳宗支
武慈服孫來盈誦當出育專如止然之命 觀良文華

二下二

